

دخلة المدارس صعبة ! أجب مصاريف المدارس و الباص و السبلايز مينين؟! د . حازم شومان

حازم شومان

السلام عليكم ورحمة الله وبركاته. اخواني واخواتي في الله. انا باكلم مين دلوقتي ؟ انا باكلم كل واحد اللبة الصفرا بتاعته عربيته نورت ومش عارف هيجيب فلوس من مين مينين ؟ انا باكلم كل ست بيت عاملة ثلاث ورقات فلوسكات طلبات لزوجها اول ما يجي له فلوس البيت عامل زي الارض العطشانة ومش عارفة. لوجه ولا الفين ولا حتى خمس تلاف جنيهه ولا عشر تلاف هتحتطمه فين ولا فين ؟ انا باكلم كل زوج دخلت المدارس داخلة. طب هدفع فلوس المدارس مينين ؟ طب البساطة

تربطه بكسوة الشتا طب الولد التعبان طب البنت اللي عندها احتياجات طيب السبلايز اول ما المدرسة تدي للاولاد السبلايز بقي والكراريس والطلبات العجيبة والمبالغ فيها او اللي مش مبالغ فيها. بس اللي معيش فلوسها هيجيب مينين ساعتها كل اللي مطلوب مني دا هي داهوت وفلوس السبلايز وفلوس الشتا وفلوس المدارس انا انا بكلم انا بكلم كل موظف دخله الشهري ما بيكفيهوش وبيضطر يستلف من يوم عشرة او خمستاشر في الشهر انا بكلم كل واحد مرعوب لما بيسمع التحليلات الاقتصادية وتوقعات زيادات الاسعار وكلمة الاسعار جاية من السعار اصلا. يعني كأن حاجة مسعورة وبتهجم على الناس

عشان كده الاسعار دي لا يرخصها الا الله سبحانه وتعالى. انا مش باتكلم خطاب تخديري. انا باتكلم خطاب ايقاف يا جماعة. انا عايز مشكلتك تتحل. انا عايز مشكلتك تتحل. انا عايزك تختنى. انا عايز اكلمك عن اسهل رويشة في القرآن كله. اختنا ازاي يعني ؟ يعني اجيب مينين ؟ اغير مستوى دخلي ازاي ؟ يا جماعة اسرع حل عشان اي انسان يختنى ان واحد غني يدخل في حياته. ده اسرع حل واحد غني فجأة اتقدم لبتك. المستوى بتاع البيت كله اتغير واتقلب واحد غني فجأة اتجوزك واحد غني صاحبك ويعني بقى حبيبك ولا يمكن يشوفك في زنقة ويسكت. دخول واحد غني في حياتك ده

اسرع حل عشان كل مشاكلك تتحل. طب هو فيه اغني من ربنا سبحانه وتعالى ؟ خير الرازقين. مش هو سمى نفسه خير الغافرين. لان ما فيش ولا زنب مهما كبر ما يقدرش يغفره. مش هو سمى نفسه خير الناصرين. لان ما فيش ولا معركة ممكن تدخلها في حياتك ما عدو الا ويقدر ينصرك فيها. كذلك سمى نفسه خير

رازقين لان ما فيش ولا ازمة ممكن يسبيك فيها دخلة مدارس سبلايز عربيتك لمبتها الصفرا منورة او اللبة الصفرا منورة في اي مشكلة من مشاكل حياتك وما انتاش عارف هتجيب مينين الناس بتغلي يا جماعة. الناس بتغلي من الاسعار. الناس بتغلي من الرعب من بكرة. الناس بتغلي من الاحتياجات اللي ما عدوش عارفين يعملوا فيها ايه ويواكبوها ازاي الناس بتغلي من ان بيوتهم بقت عاملة زي الارض المتشقة عايزة غيث من المطر عشان الاحتياجات ديت تتكفي في حياتهم ناس بتغلي من الاحساس بالظلم الاجتماعي ومن الاحساس بان كان ممكن مستواه يبقى احسن من كده الناس بتغلي يا جماعة. ولكن الحل ايه ؟ اقوى الحل بقوله النهاردة

ان واحد غني يتبناك ويتولاك ويدخل في حياتك. ما فيش زي ربنا. ما فيش زي ربنا سبحانه وتعالى. ربنا يا جماعة نص سروة الكرة الارضية حطها في ايد خمسة وتمانين واحد ربنا قادر انه يرزق. فيه واحد غني بيطلع كل يوم تسعين الف جنيه صدقة. واحد غني يعني من من الناس اللي عايشة وسطنا ومعنا. يعني بيكسب كم ؟ يعني بيكسب

مسلا مليون وبيطلع عشرة في المية مسلا. تسعين الف جنيه يوميا صدقة. امال ربنا بيصرف قد ايه يوميا ؟ امال البر ده كلمة البر لما ربنا سمى نفسه البر ؟ اما اكون في بحر والدينا وبغرق بقول انا نفسي ارسى على بر انا نفسي اوصل للبر. البر ده يعني الامان. البر ده يعني النجاة. ربنا سمى نفسه البر. ما فيش

جه في الدنيا من الازمات الاقتصادية والمالية الا بالاتصال بالله سبحانه وتعالى. ربنا قال عن نفسه الرسول عليه الصلاة والسلام وصفه سحاء الليل والنهار يعني يمين الرحمن سبحانه وتعالى منهمة منها العطاءات ليل نهار. ربنا سبحانه وتعالى منهمة العطاءات من يديه ليل نهار

يا عبادي لو ان اولكم واخركم وانسكم وجنكم قاموا في صعيد واحد فسألوني سبعة مليار بني ادم كل واحد قال يا رب انا عايز كرة ارضية ذهب. فاعطيت فوراً ما فيش خطط خمسية ولا عشرية. كل واحد منهم مسألته. لو خرج من خزائن ربنا الوقتي سبعة مليار كرة ارضية ذهب ما نقص ذلك من ملكي. ولا هينقص من ملك ربنا حاجة. ربنا قادر ان هو يهديك. ربنا سبحانه وتعالى هو الغني في كيارديرات على وجه الارض دخلهم السنوي اكبر من الدخل القومي لدولة زي جمهورية مصر العربية. دخلهم السنوي فرد واحد ربنا قادر انه يوسع عليه

ربنا قادر انه يديك. اه لو نعرف ربنا غني قد ايه. يعني كل الشيكات واموال البنوك وارصدة البنوك المركزية في العالم والخزائن بتاعة المليارديرات اللي فيها كل ده من خزائن ربنا. كل مجوهرات الملكات والاميرات. كل قصور الملوك والامراء كل ده كل ده حاجة كده من خزائن ربنا سبحانه وتعالى. كل الفلوس اللي في الدنيا كل الثمار اللي بتطلع من اشجار الكرة الارضية كل ده من دين الله. لو الغني تولاك. لو الغني سبحانه وتعالى دخل في حياتك. لو ربنا سبحانه وتعالى رب العرش العظيم ولاك هيحصل ايه في حياتك؟ وربنا هيديك قد ايه؟ وربنا هيعمل لك ايه سبحانه وتعالى. ماذا لو تولاك الغني؟ الازمات المادية فرصة يا شباب الازمات المادية فرصة انك انت تعرفي قد ايه الفقير بيعاني. الازمة المالية فرصة انك تعرفي ربنا كان انعم عليك قبل كده قد ايه وانت مش حاسة

الازمة المالية فرصة انك انت تعرف ربنا لما تتزق فترفع ايدك فتتوسل اليه فيفتح عليك. ويرزقك من حيس لا تحتسب. الازمة لي فرصة انك انت تكتشف حقيقة ايمانك وحقيقة يقينك وحقيقة قلبك. هو انت بجد محسن الظن بالله ولا انت ايمانك مهزوز ويقينك مهزوز بالله

وتعالى الازمات المالية فرصة عايزين نستغلها صح. طيب انا الوقتي مش بتكلم خطاب تقديري انا بتكلم خطاب ايقاظي بازن الله سبحانه وتعالى. انا باكلكم دلوقتي بكل صراحة نعمل ايه عشان نخرج من الازمة المالية اللي احنا فيها. كلنا محتاجين فلوس من ربنا سبحانه وتعالى. ومحتاجين رزق. اول حاجة الهم مش

انك تحط ايدك على خدك انك تعيطي انك تشيل هم. الهم بيضرب شريان في القلب. الهم بيحسب فشل كلوي. الهم بيحسب ضغط دم. الهم بيوقع الانسان سكتة دماغية. الهم بيحسب جلطة. الهم ما بيحسب حاجة. الهم مش حل. طيب يعني الهم مش حل؟ اه. طيب امل ايه الحل؟ الحاجة الثانية ان على فكرة

بصوا يا جماعة على فكرة حتى السعي الفوري ما هوش حل فوري. ليه؟ لان الوقتي انزل اجري هات فلوس. طب هاعمل ايه؟ يعني هاجيب منين؟ ما هو اللي بينتحر واللي مشي على كوبري

في طلخا عندنا في المنصورة وقعد يصرخ اجيب فلوس منين اجيب فلوس اكل منين وقام رامي نفسه في النيل. الله يرحم جميع موتى المسلمين والمسلمات يا رب اللهم امين ده يا جماعة مشكلته ايه؟ مشكلته انا اجيب منين؟ انا عايز حالا اهو. السعي ما هوش حل فوري. لان عشان كده ربنا في كل حاجة قال لك اسعي

انما في نقطة الرزق في اللحزة دي قال ويرزقه من حيث لا يحتسب. ان ربنا قادر انه يفتح لك ابواب انت لا تتخيل انها موجودة ربنا قادر ياما بالدعاء فرجت كربات. ياما بالدعاء دفعنا مصاريف المدارس. ياما بالدعاء كلنا واكلنا ولادنا وعيالنا. ياما بالدعاء خرجنا من ديون كنا هنبيع

فيها بيوتنا وكنا هنبيع فيها العربية اللي احنا راكبينها. ياما بالدعاء الاتصال بواحد غني. عايزين نثق في الله سبحانه وتعالى. ثقة حقيقية يبقى عندنا يقين. النقطة الثالثة يا جماعة ان المال الحرام مش حل. اصحاب السبت لما قبلوا المال الحرام يوم السبت اللي محرم عليهم. الصيد فيه ربنا مسخهم

المال الحرام بيمسح حياتك. وبيمسح حياتك المال الحرام مش حل. بل الفلوس نفسها لو جت ممكن ما تبقاش حل. واحد واحد مرة كنت وقبل ما يموت بساعات فيقول لي انا امنت مستقبل ولادي. انا سايب لهم ارض بملايين تأمين لمستقبلهم. هذا الرجل الله يرحمه مات من سنوات قليلة

ولاده باعوا الارض وصرفوا الفلوس والازمات المالية يعني بدأت يعني يا جماعة القصة يعني مش قضية ان انا معي فلوس. من جعل الدنيا يا همه نزع الله الغنى من قلبه. ده حديث النبي عليه الصلاة والسلام. يبقى زي منزوع الدسم كده منزوع الغنى ما هوش حاسس ان فيه غنى في الدنيا

الندبة على ان في زلم اجتماعي وان فلان كل ورسى ولا فلان كل مال آآ الناس ولا فلان كل ما له برضه مش هو الحل. خد كل الاسباب اللي تجيب بها حقك. خد كل الاسباب اللي تسعى بها. ولكن اعرف ان الحل الاول والحل الاساسي هو ان واحد غني يدخل في حياتك. وما فيش

ما فيش اغنى من ربنا ولا اطيب من ربنا. ولا اكرم من ربنا سبحانه وتعالى. ربنا سبحانه وتعالى يا جماعة. اول حاجة اليقين الله سبحانه وتعالى يقول وما من دابة في الارض الا على الله رزقها. وما من دابة ربنا بيوعدها ما دام خلقك انت رزقك مترتب لآخر لحزة في حياتك

عشان كده ربنا قال ويرسل عليكم حفظة. يعني ايه حفظة يا شباب؟ حفظة بيحفظوا عليك رزقك لآخر لآخر لقمة ولاخر بق مية بيحفظو عليك اجلك لآخر لحزة بيحفظو عليك انفاذك لآخر نفس انت ليك رزق هتأخده هتأخده الحوت الحوت يا جماعة بياكل اتنين اتنين طن اكل في الوجبة الواحدة. معظمهم جمبري. طب ربنا بيبعث له في الوجبة الفين كيلو جمبري وربنا بيبعثهم له. الله! الحوت ده لما بيموت تخرج منه دهن اتناشر برميل زيت ربنا بيبعثهم له سبحانه وتعالى. الوجبة بتاعة كل مرة وجعلنا لكم فيها معاش ومن لستم

له برازقين. النمل مين اللي بيرزقه؟ الطيور في السماء مين اللي بيرزقها؟ اتفرجت مرة على فيلم عن سحاري صحاري امريكا والكائنات الملايين الكائنات اللي سحارة جرداء ما فيش فيها نقطة مائة الفم كله الناس دي المخلوقات دي بتاكل ازاي؟ كان عقلي هيطير. المخلوقات اللي في الصحاري وفي الجبال وفي القطب شمال ومين اللي بيرزقك؟ مين اللي بيرزق كل ده؟ يبقى ما دام خلقك يقين هيرزقك هيرزقك سبحانه وتعالى. عشان كده سمى نفسه الغني سبحانه كنت على عشان يلهفك على بابه. سمى نفسه البر عشان يفهمك ان ما فيش طوق امان في الحياة. غير الاتصال به. سمى نفسه الواسع. عشان ما تضيقيش دماغك. ان انا والله عندي او ثلاثة بيحي لي منهم دخل. اجيب منين ثاني بقى؟ يبقى ما فيش فائدة. ربنا الواسع. قادر انه يفتح ابواب لا تخيلي انها موجودة اصلا. امال ربنا بيقول ولو ان اهل القرى امنوا واتقوا لفتحنا عليهم بركات. يعني ايه فتحنا؟ فتحنا يعني في ابواب كتير حواليك للرزق. مش ما فيش ابواب في ابواب ولكن مقفولة. الزنوب سدتها. لما نصلح علاقتنا بالله ونتوجه الى الله سبحانه وتعالى. الابواب بتتفتح من عند الله. رقم واحد اليقين. ورقم اتنين العقل يا جماعة اول سورة الزاريات ربنا قال والزاريات ذروة الرياح قاعدة تطلع الماية بعد كده الحاملات واقرأ بقت سحاب ملبان مائة

بعد كده الجاريات يسرا. الماية نزلت وطلعت زروع والسفن التجارية بتنقل المزروعات من بلد لبلد. بعد كده المقسمات يا امرأ الملائكة بتوزع الارزاق والفواكه والثمار على الناس. بتمدي ايديك تاخدي ثمرة فاكهة او برتقانة. دي اللي رزقك اسمك مكتوب عليها من وهي بتتزرع

مش قضية انك انت نقتيها وعجبتك بس ممكن فاكهة اجمل منها جنبها وانت ما خدتيش بالك منها. لانها مش رزقك واسمك مش مكتوب عليها او اسم ابنك اللي او اسم زوجك اللي هياكلها مش مكتوب عليها. الله سبحانه وتعالى كلمك في اول سورة الذاريات عما خلقه الله لاجلك. الكون مقلوب عشان رغيف عيش اللي انت هتفتري عليه بكرة الصبح. والانس الاليعدون. ما خلقت لاجله. يبقى اول سورة الزاريات ما خلق لاجلك لتلمية وستين جندي من جنود ربنا الوقتي شغالين عشان رغيف العيش اللي انت هتاكله بكرة الصبح. واخر سورة الزاريات ما خلقت لاجل كأن رسالة سورة الذاريات اياك ان تنشغل عما خلقت لاجله بما خلق لاجلك. هو كده كده شغال عشانك. عشان كده في وسط سورة ربنا سبحانه وتعالى بيقول وفي السماء رزقكم وما توعدون في السماء. فوق منابع التقسيم تحت مخازن التسليم. علق قلبك بفوق بالله سبحانه

تعالى علق قلبك بالله دا مش خطاب تكديري دا خطاب ايقاظي دا خطاب الاساسي لتغيير مستوى الدخل بتاعك. ارفع مستوى دخلك غيري مستوى معيشتك. ارفع مستوى دخلك بالصلة القوية بالله. بالاتصال بالله الغني. اسعى وانزل اشتغل وخطط لمستقبلك. وشف

من اللي واخذ منك حقك وواكل منك حقك. خد كل الاسباب الحلال اللي ربنا قالها. ما ربنا قال. امشوا في مناكبها وكلوا من رزقه. امشي في مناكب وكل من رزق الله ولكن اعرف ان السبب الاعظم للرزق واسرع سبب للرزق. فيه الف باب مقفول حواليك وانت مش واخذ بالك. الف باب للرزق باسباب ولكن يرزقه من حيس لا يحتسب. انت مش عارفها. الدعاء الحار والتوبة الحارة. هو ده التشكيل بتاع المقطع ده. الدعاء الحار يا جماعة قم الوقت اتوضا. قومي الوقت اتوضي. لو يعني اصابك ما اصاب بنات ابن ادم ما ينفعش تصلي قم الوقتي اقعدني في مكان لوحدهك وارفعي ايديك وعيطي لربنا. قومي الوقتي اتوضا وصلي ركعتين. وابكي له وقل له ويا رب انت اللي خلقتني. رزقي عليك. انت مالك خزائن السماوات والارض. انت في ايديك كل شيه يا رب. انت يا رب ادبت بلا حساب لمن شئت يرزق من

بغير حساب يا ما رزقت بغير حساب يا رب. ان هذا لرزقنا ما له من نفاذ. انت تقدر ترزق يا رب بلا نفات. وجعلت مالا ممدودا مهما خد منه مدد بيحيي مهما خد الابواب بتتفتح اكثر مهما صرف. فيه ناس ربنا اداها فلوس لو ولعت فيها لحد ما تموت مش هتخلص. انت يا رب ايام ادبت ويا ما اعطيت. ويا ما نجيتني ويا ما انقذتني. ويا ما اغزتني زي ما سيدنا زكريا قال لربنا ولم اكن بدعائك ربي شقيا. انا يا رب عمرها ما ضاقت علي وانت معي. خير الرازقين عمرها ما قفلت وانا بتوسل اليك. قومي قم عيط لربنا هو قال كده. هو جعل البكاء واستمطار الرزق من ايديه. سبب للرزق النبي عليه الصلاة والسلام ما فيش في السما سحابة. الناس موت من العطش دخلوا عليه في الجامع وهو بيخطب. قالوا له يا رسول الله هلكننا الناس هتموت من العطش. الرسول

رفع ايده وطلب من الله المطر. والنبى لسه

على المنبر ودي حصلت لنا واحنا في السعودية في المسجد النبوي والايمان بيدعي بالغيوث والمطر والله خرجنا من المسجد في الدنيا والدنيا كلها شتا يا جماعة. الله قادر سبحانه وتعالى. النبي رفع ايده السحب تلبدت لدرجة ان ان قعدت تشتي اسبوع بلا توقف اربعة وعشرين ساعة يوميا لمدة اسبوع. الناس راحت له في الخطبة اللي بعدها هلكننا من كتر المطر يا رسول الله. ادعوا الله حولينا لعنة علينا خلاص بقى يا رسول الله تروح على الاكان بقى وعلى القطم وعلى الجبال اللي جنبنا والوديان اللي جنبنا يا رسول الله هنهلك كده من كتر المطر خلاص

الله قادر انه يغيثك. لحد ما تقول جزاء من ربك عطاء حساب حسابا. يعني بيرزقوا في الجنة لحد ما يقولوا حسبك. كفاية. هنعمل ايه بكل ده ربنا قادر. ربنا قادر انه يغيثك. ربنا قادر انه يديك. انا اعرف شباب والله العظيم اعرفهم بالاسم. اخواني واصحابي انا تيمي بنعبد بنصلي قيام ليل ساعات مع بعض بنعبد ربنا مع بعض اعرفهم شباب افقر من ان يتكلم مضجع الفقر والله اعرف واحد من اخواني وحبايبي لا يملك شىء. اصلا من حطام الدنيا ولكن قيام الليل بالنسبة له ده فريضة سادسة. يعني يعني من اكثر من حيث يقوم الليل في حياتي ويهتم بالعبادة وتكبير الاحرام دي بالنسبة له حاجة مقدسة. الوقتي عنده عربية. متجاوز جواز حلوة. عنده ذرية. ساكن في شقة. آآ آآ شغلانة ما شاء الله وكتاب الله بتدر عليه دخل. اذا انا كنت موقن ان ده ربنا مش هيسيبه. وكل ما باشوف شاب صالح باقول له يا ابني والله ربنا ما هيخذلك. والله

والله العظيم ربنا ما هيسيبك. احنا يا جماعة ياما بالدعاء سدينا ديوننا. انا مرة اتداينت وكنت نازل ابيع شقتي وابع عربيتي عشان اسد الديون بتاعتي ساعتين والله العظيم ركعتين بس توسل وتضرع وبكاء الى الله سبحانه وتعالى. ربنا قادر. ربنا سبحانه وتعالى يعني صرف عني وكشف

سبحانه وتعالى ياما كلنا بالدعاء ياما سدينا ديونا بالدعاء ياما دفعنا مصاريف ولادنا بالدعاء. انا مش بكلمكم يا جماعة عن رويشة تخديرية. انا بكلمكم عن واقع لحد اللحظة دي احنا عايشينه. وانا عايشه وانا بكلمكم. عايش يعني ايه كلمة يا رب ربنا بيفرج بها الكريات. وبيؤدي بها الديون وبيرزق بها

افتح بها الابواب. عايزين نصدق ربنا. عايزين يبقى عندنا يقين وثقة في الله. سبحانه وتعالى. مهما جت مشاكل الدنيا مهما بقى جت ورقة السبلايز المصاريف ربنا يا رسول الله اذا نكتر قال الله اكثر. مهما الدنيا كترت عليك من مطالبها. مهما الحياة كترت عليك من الاعباء. الله اكثر

القادر انه يمدك بمدد من عنده ولكن احنا نستاهل احنا فيه صلة بينا وبين ربنا تشكيل المقطع ده يا جماعة اسعوا اشتغلوا ربنا جعل ده سبب للفرج ولكن لو عايزين تغيير سريع جدا. اول حاجة واهم حاجة الدعاء الحار وتغيير العلاقة بالله وقوة العبادة وكثرة التوسل والتذلل الى الله. شاب والله العظيم ما قابله في الحرم. اقسام بالله كان هو قاعد يسحي دموعه وانا قاعد قدماه يسحي دموع. احنا الاتنين جه بيقول لي انا

انا قاعد في الحرم بقى لي اسبوع قاعد استغفر. ما بعملش حاجة غير الاستغفار. بيقول جه واحد قاعد جنبي قاعد جنبي قال لي يا ابني انا عندي فنادق ومش لاقى محاسب يمسكها لي

قل لها تعال امسكها لي كلها. وعندي بنت ايه رأيك اجوزها لك؟ وعندي انا الشاب والله يا جماعة هو بيحكى لي. شاب طيب كده وغلبان وشاب مصري. بيقول هو قاعد هو مين؟ الكلام هو بيقوله بقى وهو بيحكى لي قصة اسبوع استغفار ليل نهار في الحرم. الشاب قاعد يبكي وانا قاعد قدماه وحاس ان انا انهار من

يعني من كتر القصة المؤثرة بتاعته اللي بتجدد اليقين في الله في القلب. ربنا قادر. من لزم الاستغفار. جعل الله له من كل هم في الفرج ومن كل ضيق مخرجاً ورزقه من حيث لا يحتسب. انا مش جاي اقول لك اسعى لانك انت هتسعى وانا هسعى وكلنا هنسعى. وكلنا

يعني الواحد عدى سن الاربعين ولسه قاعد بزاكر في امراض الكلى وفي الدراسات العليا بسعى على رزقي. انما السبب اعظم واللاوسع والاكبر واللي هيجيب معنى لكل السعي كل اسباب السعي يصفار. والاتصال بالله والدعاء الحار واحد غير الواحد الاصفار ما لهاش قيمة. ادعي ربنا توسل ارفع ايديك ادع كثير. اصبر على الدعاء اصبر اقعد ساعة قل يا رب طب اعقدي نص ساعة عيطي له. قومي اتوضا وصلي ركعتين وعيط له. والله العزيز ربنا بيدي. والله بيدي شقق. والله بيدي شبكة تتجاوز بها. والله

عزيز ربنا بيجيب عرايس. والله العظيم خزائن ربنا مليانة عربيات. ومليانة شهادات وماجستير ودكتوراه وبورد وزمالة. والله العظيم ربنا بيدي وطيب الله الطيب سبحانه وتعالى. مش هيعنتك وهو بيديك. الطيب اللي بيدي لما يديك حاجة ما يلومش نفسه لما بيدي اكتب الساهل كتير يسموه طيب. الله الطيب الله الودود. الله سبحانه وتعالى بيتودد اليك بالرزق عشان تعرفه وعشان تتوجه اليه. ربنا عنده كل حاجة. خزائن فيها حاجة ده مقطوع من اجل تجديد اليقين بالله وبرزق الله. واحنا داخلين في فترة من مواسم الانتحار في المجتمعات

دخلة الشتا ودخلة المدارس دايمًا بنسمع فيها اللي رمى نفسه من المترو واللي ولعت في نفسها واللي اتشاكل مع مراته ورمى نفسه في النيل من فوق الكوبري واللي رمى لقي نفسه من الدور العاشر دايمًا في دخلة المدارس بيبقى فيه هوجة انتحار كده. احنا عايزين في دخلة المدارس هوجة توصل. هوج التوجه هوجة لحيى الى الله فلولا اذ جاءهم بأسنا تضرعوا. لما ربنا بيبتلي الناس والدنيا بتضيق عليهم ده كل ده ربنا بيقول لك تعالى ربنا بيقول لك تعالى اسأل الله. اللهم وسع ارزاق المسلمين. اللهم وسع ارزاق المسلمين. اللهم وسع ارزاقنا وارزاق المسلمين. اللهم فرج كربنا اللهم وسع لنا في دارنا. وبارك لنا في رزقنا. اللهم اطل حياتنا على طاعتك. وابتغاء مرضاتك. اللهم اغفر لنا اللهم اكثر اموالنا واولادنا وبارك لنا فيما رزقتنا. اللهم يا مقلب القلوب ثبت قلوبنا على دينك. اللهم اشرح لنا صدورنا ويسر لنا امورنا. اللهم ربنا اتنا في الدنيا حسنة اتنا في الدنيا حسنة وفي الآخرة حسنة وقنا عذاب النار. اللهم ارخص اسعار المسلمين. بيت المسلمين اللهم امين. سبحانك اللهم وبحمدك اشهد ان لا اله الا انت استغفرك واتوب اليك. جزاكم الله خيرا